

# Venchur kapitali investitsiya dasturi (VCIP-VD)

Mamlakat Hududiy

Loyiha raqami: 52407

Faoliyat sohasi: Axborot va kommunikatsiya texnologiyalari

Bildirishnoma turi: Xususiy

Ekologik toifasi: FW

Tasdiqlangan kuni: 2021-yil 10-mart

Qaysi bosqichdaligi: **Konsepsiya muhokamadan o'tgan**

Loyihaning qisqacha mazmuni ingliz tilida chop etilgan sana 2021-yil 2 fevral

## Loyiha mazmuni

YTTB o'zining Venture Debt (venchur qarzar) – venchur investitsiyalar dasturi doirasida YTTB faoliyat yuritadigan mamlakatlarda 10 million yevrogacha bo'lgan investitsiyalar bilan venchur qarz vositasidan foydalangan holda o'sish bosqichida venchur kapitalini qo'llab-quvvatlovchi texnologik kompaniyalarga sarmoya kiritishga intilmoqda. Bu dasturning qisqacha nomi VCIP-VD. U YTTBning mavjud VCIP dasturining maxsus vositasi hisoblanib, unga 120 million yevro mablag' ajratilgan. Unda ko'zda tutilgan investitsiyalar sinalgan va biznes modellarni qo'llovchi va daromadlar o'sishini ko'rsata olgan innovatsion va jadal rivojlanayotgan kichik va o'rta korxonalariga yo'naltiriladi.

Venchur qarz mablag'lari dasturining joriy etilishi, YTTBning venchur mahsulotlarini o'z asosiy kapitali doirasidan kengaytirilishi va YTTB faoliyat yuritadigan mamlakatlarda o'sish bosqichidagi venchur kapital bozoridagi kamchiliklarni bartaraf etishga yordam beradi.

## Loyiha maqsadi

VCIP-VD dasturining maqsadi quyidagilardir: i) innovatsion texnologiyalarga asoslangan tadbirkorlik korxonalari faoliyat ko'lamining kengayishini qo'llab-quvvatlash; ii) o'sish bosqichida venchur kapitalini moliyalashtirish imkoniyati

cheklangan va venchur qarzi deyarli mavjud bo'lmagan hududlarda venchur kapital bozorini rivojlantirish.

VCIP-VD dasturi mavjud VCIP bo'yicha sa'y-harakatlarning kengayishida qo'shimcha vosita bo'lishi bilan birga Bank uchun quyidagi imkoniyatlarni yaratadi: i) mazkur hududlarda innovatsion iqtisodiyotni rivojlantirish, texnologik ekotizimni yaratish va innovatsiyalarni qo'llab-quvvatlash imkonini beradi; ii) VCIP orqali Bank mazkur hududlarda mavjud bo'lgan venchur kapitalni moliyalashtirishdagi kamchiliklarga barham berishda muhim rol o'ynaydi; iii) VCIP Bankga yuqoriroq riskli/yuqoriroq foydadorlikka ega bo'lgan investitsion imkoniyatlarga portfel nuqtai nazaridan qo'llab-quvvatlash imkonini beradi.

## O'tish davri ta'siri

Kutilayotgan o'tish davri ta'siri (KO'DB) bahosi: 80

VCIP-VD moliyalashtirish mexanizmi o'tish davrining raqobatbardosh va barqaror sifatlariga o'z hissasini qo'sha oladi, chunki u yuqori innovatsion texnologiyaga asoslangan korxonalarni rivojlantirishni qo'llab-quvvatlaydi va YTTB faoliyat yuritadigan hududda deyarli yo'q bo'lgan venchur kapitaldan foydalanish imkoniyatini yaxshilashga ko'maklashadi. VCIP-VD dastur VCIP I va VCIP II mexanizmlarining muvaffaqiyatlariga tayanadi va YTTB hududida YTTBning Innovatsion iqtisodiyot tashabbuslariga muvofiq ravishda, innovatsion iqtisodiyotni rivojlantirish uchun eng muhim yordamni ta'minlaydi.

## Mijoz haqida

Individual yondashuv asosida.

## YTTBdan ajratiluvchi moliyaviy mablag'lar

100 000 000,00 yevro

## Loyihaning umumiy qiymati

120 000 000,00 yevro

## Qo'shimchalilik sharti

VCIP-VD dasturi orqali YTTB boshqa banklarda yoki YTTB faoliyat yuritadigan hududi uchun ajratilgan venchur qarzi jamg'armalarida mavjud bo'lmagan tijorat shartlari asosida venchur qarzni taqdim etadigan innovatsion moliyalashtirish vositasini taklif qiladi.

## Ekologik-ijtimoiy xulosa

Mazkur mexanizm Bankning Ekologik va ijtimoiy siyosati (2019-yil) asosida tasniflanmasa-da, uning har bir sub-loyihasi individual yondashuv asosida va loyiha hamda mijozning turidan kelib chiqqan holda, alohida tarzda ekologik va ijtimoiy ekspertiza (ESDD) va yashil iqtisodiyotga o'tish (GET) sinovi bo'yicha tasniflanadi. Sub-loyiha toifasiga ko'ra, tegishli ESDD har bir loyihaning Bank loyiha talablariga muvofiq tarzda tuzilganligini tekshiradi.

## Texnik ko'mak va grant asosida moliyalashtirish

Ko'zda tutilmagan

## Kompaniyaga murojaat qilish uchun ma'lumot

Bahrom Ibragimov

02073386000

## Loyihaning qisqacha mazmuni so'nggi marta yangilangan sana

2021-yil 5-fevral

## O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

## Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: [projectenquiries@ebrd.com](mailto:projectenquiries@ebrd.com)

Davlat sektoriga oid loyihalar uchun [YTTB xaridlari](#) sahifasiga o'ting:

Tel: +44 20 7338 6794  
E-manzil: [procurement@ebrd.com](mailto:procurement@ebrd.com)

## Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

## Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

## Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqta nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda [compliance@ebrd.com](mailto:compliance@ebrd.com) elektron pochta orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonim tarzda xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat

ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

## Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin..

## Loyiha hisobdorligi mustaqil mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning Loyiha hisobdorligi mustaqil mexanizmi ya'ni IPAM yordamida o'zlarining o'sha xavotirlarini bildirishlari mumkin.

IPAM, arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning maqsadi loyihaning manfaatdor tomonlari o'rtasida ekologik, ijtimoiy va axborotni ommaviy oshkor qilish bo'yicha muammolarini hal etishdagi murosani qo'llab-quvvatlash, Bank o'zining [Ekologik va ijtimoiy siyosatiga](#) yoki [Axborotdan erkin foydalanish siyosatining](#) loyihaga oid tartiblariga rioya qilayotganini tekshirish va zarur hollarda, kelajakda ushbu qoidalarga rioya qilmaslik holatlarini bartaraf etish, shuningdek, Bank tomonidan kelgusida bunday holatlarning oldini olishdan iborat.

Loyiha so'rovlarini [Maxfiy onlayn shakl](#), [elektron pochta](#), [pochta yoki telefon](#) orqali qanday jo'natish haqidagi ma'lumotlarni Loyiha hisobdorligi mustaqil mexanizmi veb-sahifasidan topishingiz mumkin. IPAM sizda yuzaga kelgan muammolarni muhokama qilish, shuningdek, [Loyiha bo'yicha hisobdorlik siyosati](#) va [ko'rsatmalariga](#) mos keluvchi so'rovlarni yuborish yoki ko'rib chiqish bilan bog'liq barcha savollarga javob berish uchun doimo tayyor. Kerak bo'lsa, arizachilarning shaxsiy ma'lumotlarini maxfiy saqlaymiz.